

Suiuirent neuf autres prefens, comme pour eriger vn sepulchre au defunct, car chaque present a son nom. Quatre prefens pour les quatre colomnes qui doiuent soustenir ce sepulchre. Quatre autres prefens, pour les quatre pieces trauerfantes, sur lesquelles doit reposer le liêt du defunct. Vn neufuième present, pour luy seruir de cheuet.

Après cela, huit Capitaines, des huit nations qui composent le pays des Hurons, apportent chacun vn present, pour les huit os qui font les plus remarquables en la structure du corps humain; des pieds, des cuiffes, & des bras.

Leur coustume m'obligea icy de parler, & de faire vn present d'environ trois [131] milles grains de porcelaine, leur difant que c'estoit pour redresser leur terre, & qu'elle peult les recevoir plus doucement, lors qu'ils tomberoient renuersez par la violence des reproches que ie deuois leur faire, d'auoir commis vn meurtre si indigne.

Le lendemain matin ils disposerent dans vne place publique; comme vne espece de theatre, où ils suspendirent cinquante prefens, qui font le principal de la satisfaction, & qui aussi en emporte le nom. Ce qui precede & ce qui suit, n'estant que l'accessoire.

Pour vn Huron tué par vn Huron, on se contente d'ordinaire de trente prefens; Pour vne femme on en demande quarante, à cause, disent-ils, que les femmes n'estans pas tant pour se deffendre, & d'ailleurs estans celles qui peuplent le pays, leur vie doit estre plus precieuse au public, & leur foiblesse doit trouuer vn plus puissant soutien dans la iustice. Pour vn estrangier on en demande encore dauantage, à cause, disent-ils, que sans cela les meurtres feroient